



MONTCLAIR SCHOOL

• OF ACADEMICS & ENRICHMENT •

Montclair Hazirir Folosi Denver

Public Schools

2025-26 Eskul Bosór

Montclair ót neta, machthor, fémlí adde komyunithi membór hísafe añárar milizuli zimma oílde añárar forinnafua ókkol cúde kamiyaab oíbode noo bolke torkiyo goribo. Añárar forinnafua ókkolor kamiyaabi niccit goríbar ekkán ahám ciz oílde en rukawoth ókkol sinnogora adde dur gora zine añárar forinnafua ókkolore fottidín eskulot aattú ruki rake. **Mozbut hazirí fottí forinnafuare cómazi, ehésasi, adde ekadhemik bafe torki goítto modot gore.** Uggwá forinnafuar mozbut hazirí cúde enferadi forinnafuare modot gorede noo, bolke ííne iítarar kelasor sañti, machthor adde dhoñr eskul komyunithire ekkú dhoilla táka adde etminan niccit gori modot yó gore.

Cúrrur boc oíte hazirí ahám; forinnafua ókkole eskulot dahel oode foíla bosór oíte niyom kayem oó ar fura elementhari eskulot mani solafore; hazirir gép boró owá cúru oó zehon forinnafua ókkol midhel adde haí eskulot dahel oó.

Tamam miís fonna eskul miísor haron zíyan oíbo ok, ííne forinnafua ókkolor kamiyabit dabba fele. Ínór harone, DPS ye díyandibo **Lamba Gairhazirí: homaíbolla zehonó harone uggwá eskul bosórot dahelor comoir homsehom 10 parsen miís gorar oure, zeçe ase uzur ola adde uzur saára gairhazirí ar moukufi.** Miís eskul hazirir notiza hísafe ekadhemik adde cómazi ehésasi fonnar asóror oure díyan dibo.

Zehon lamba gairhazirí adde hazirir reith gónibo, eskul dinor fottí minith gónibo. Yíánór maani oílde kelasor minith zin forinnafua ye eskulot foñsite der gori yá eskulottú age neliyore miís goíjje ííne forinnafuar lamba gairhazirí esthetas adde hazirir reith ór asór feele. Añára eskulot furadin, fottidín fottí forinnafuare saí!

Yian ahámde forinnafua ókkol thaim mozin zaíbo ar fottídin tamam kelasolla taizaíbo taake ekadhimek adaigi torkigori kolej adde soñrir mouka ókkololla toiyar oífare.

- Colorado ór baicca ókkolore 4 oíte 18 bosórot eskulot hazer oíbar rokbot diyazar.
- Colorado ór baicca ókkolottú 6 oíte 16 bosórot hámaha eskulot hazer owá foribo.
- DPS ór forinnafua ókkol eskulot Combar oíte Cukkúbar hazer oó.
- DPS eskul bosór Ogós ót cúru oíbo ar Mee yá Jun ót hótom oíbo.
- Zehon oñnor baicca eskul miís gore, oñnottú hámaha eskulor meín ofisore ettéla diyaforibo.
- Montclair eskul bosóror kelendhar añárar [websaíth](#) ót faazaíbo.

Denver Public Schools ót fottí eskulot haziri thargeth ase. 2025-26 eskul bosór ólla Montclair ólla hazirir thargeth oíde 95%.

Hazirit Maabaf/Garjénor Zimmá

Maabafe iítarar baiccare kamiyaí adde kelasot hazirilla sethap gora niccit goítto modot goríbolla kisu mocko amolot loíbo.

- Fottíbar eskul loi zukazug goriba zehon oñnor baiccattú der oíbo, lage neelibo yá gair hazer taíbo.
- Eskulor baade yá kelas naíde din ókkolot epoínmén cídihul loo.
- Suthi adde guraguri en din ót thikgoró zehon eskul no take.
- Zodi honó mockil aíle oñnor baiccare eskul loízaibolla ekkán dusara plan toíyar goriba.
- Oñnor baiccattú sehétmon aadot taka niccit goró.
 - Wokto mozin ghumzaíbo, kafi gumzaíbo ar wokto mozin gumottú uçıbo.
 - Agor ratiya hoor adde bég toiyar raíbo.
 - Oñnor baiccare sehétmon raíba ar niccit goriba oñnor baiccare zoruri thika ókkol diyagíye.
- Zodi oñnor baicca eskul baabote perecan oíle, macthor yá eskulor kounselor loi hotá hoíba.
- Oñnor forinnafuar haziri [Parent Portal](#) ót saíba.

Oñne ruthin thik goítto modot ólla loíbode kodom ókkol baabote aró maalumát faíba [Attendance Works](#) edarattú faíba zinor zoriya mozbut haziri oíbo.

- [Prieskul adde kindhargarten fémli ókkololla mocuswara](#)
- [Elementhari eskul fémli ókkololla mocuswara](#)
- [Midhel eskul fémli ókkololla mocuswara](#)

Gair haziri Repouthgora adde Negranigora

- Oñnor forinnafua gair hazer yá dergori foñsibode yían añárare zanaíyore thaim bañso. DPS fémli ókkole gairhaziri yá derot foñsa zanibolla iítarar kompyuthar yá esmathfún estemal gorifaríbo taake iítara iítarar baicca ókkolore dekbál gorifare.
- DPS ór forinnafua ókkolor garjén ókkolottú hámaha uggwá ektiv DPS Parent Portal ekoun takaforíbo take noya cuída yían estemal gorifare. Vizit goró myportal.dpsk12.org ekoun toiyar goríbolla, yá oñnor ekoun ektiv adde toiyar asede yían cék goríbolla. E noya cuída kengori estemal goribo yíanolla [Haziri Onlaíne Diya](#) baabote cíko.

Uzur loí Gairhaziri

Denver Public Schools ór Budh Folsi mozin, gair haziri mafgorazaítfare zodi maabaf/garjén adde Prisipale gairhaziri mafgore. Maabaf/garjén ókkolottú eskul loí hámaha fottíbar zehon forinnafua gairhazir oó, eskulot derigori foñse yá age neliza taake eskule zanifare maabaf/garjén gairhazirir babote zane ar gairhazirilla uzur pecgorer.

Estheithor kanun mozin, nisor gairhaziri gin mafgorazaíbo:

- Toítta bíaram adde zohom (mutalleka epoinmen camil ase)
- Jismi, demaki yá ehésasi maazuri yá bíaram (mutalleka epoinmen camil ase)
- Dórmio rosom
- Hasor fémlit entekal
- Eskul sarvísottú gairhaziri (eskulor hamot córik oíbar harone gairhaziri zin eskul netaye ejazot diye yá age monzur goíjje)
- Moukuf gorá yá expel gorar harone gairhaziri

Aró, Montclair ye nisor haron ókkolor gairhaziri gin mafgoribo:

- Medhikel yá dator epoinmen (soledde honó bíaram yá haálot saára yo sehétor forikka yó camel ase)

- Forinnaftuar oura asór felede endhilla afsus, maakul antaze (zodiyo hasor fémlit no)
- Adalotot haziri adde adalotor oódhar goíjja gair haziri
- **Toíttá** garir mockil zin fémlir konthulor baáre (mesal hísafe, binna gari bangigiye, aíjja gari noosoler, fémlir en thownor hissát take zíanót haásgori borofof asór foíjje ar eskul batel noogoílleyo sofór gori noofare).
 - Zodi gari hazirilla ehonor rukawoth oó, toíle añárar hazirir thiíme dola oíyore fémlire é rukawoth hoolgoribolla modot goríbo, taake ehono gair toíttá gair haziri jari nootake.
- Gair hazirir fañs (5) din, eskul bosór hísafe, koleij ziyarotolla. Koleij ziyarot mafgoribolla, gairhazirir dui (2) dinor bútofe eskulor hase koleij ziyarotor sóbut diyafofíbo.
- Gair hazirir fañs (5) din foíjjonto, eskul bosór hísafe, fémlir tejarot yá sutkilla (mesal hísafe, uggwá sutki, fémlir bíyat hazer on, uggwá dófmiyo sutki baabote sófofot esthara din, thownor baáttú ziyarotolla accede fémlire saíbolla ek din miís gora wogaira).

Zehonó mafgoíjja gairhazirilla dokumen noolaíbo. Lékin, uggwá forinnaftua ye 10 din yá aró beci din bíaram, zohom, yá honó jismi, demaki yá ehésasi maazuri yá haálotot harone ek eskul bosórot miís goílle, Montclair ye ehonor gair haziri mafgoribar age medhikel dokumen saíbo. Añára aró forinnaftuáttú ekkán sehéti planor sinta goritfari ar/yá Sekcon 504 plan yá IEP layeki faísela laíbone sinta goritfari. Zodi forinnaftuáttú ehon ekkán sehéti plan, Sekcon 504 plan yá IEP take, toíle thiímottú planot honó tobdil gorafofribone saíbolla abbar boçok goríbar zorurot oítfare.

Hoddur Bíaram oíle Becí Bíaram hoíbo?

Oñnor baiccare górot raíba yá dhakthor dehaíba zodi iítara:	Oñnor baiccare eskulot defeça zodiyo iítarattú iín oó:*
100.4°F (38°C) yá aró beci gazzor oó	Halka thandi ase, zínót ase nakottú fanizora ar/yá hañc
Duíbar yá aró beci hoogoíjje	Gazzor saára sukottú faní zora, sukor
laás 24 gonthat	beta yá sukor fata lal oíye

Lagatar hañc, niañc or hoctho yá niañc loíte hoctho yá zodi iítarattú hañc có gazzor oó	Halka feth beta ase
Salbainda fesera zinottú faní nele, beta oó, sijjefan lage ar/yá gazzor oíle	Honó alamot saára halka fesera ase
Suk fúille, suk beta, saíte hoctho yá sukor zohom ase	Matat uín ase. Zodiyo iíne bezar gore ar elaj gorafore, eskulottú neelizaibolla iín ekkan haron oítnofare
Golabeta ase zinor harone leccuwa zore, gilíte hoctho yá gazzor adde/yá ga oó	Fura rait gazzor noo accil ar iítara é comoit gazzor homaibar dabai nooha

**Zodi oñne oñnor baicare eskulot defeçaibane noobuzo yá oñnor baiccar sehét baabote haás sinta take, toíle oñnor baiccar dekbal doya, eskul naásor ekzon elakaiyi zoruri dekbal loí zukazug goró.*

Maafnogoribode Gairhaziri

Mafnogoribode gairhaziri oílde maabaf/garjén adde eskulor prinsipal (yá prinsipalor numainda) dunuzonor ejazot saára gairhaziri. Zehon uggwá forinnafua gair hazer oó, derit aíye yá maabaf/garjénottú gairhazirir aros saára age neelizaíle, é miís comoire maafnogoriboboli étebar goribo.

Derigora

Ze forinnafua kelas cúru oíbade aíye ar kelasor comoir foíla 50 bakor bútoire aíye iítarare deri boli hoíyore sinnógoribo. Ze forinnafua uggwá cídhul goíjja eskul dinot zehonó Hazirir Muddotor 50 bakottú becí gair hazer taíbo iíbare fura muddot gair hazer hísafe étebar goribo.

DPS ELEMENTHARI:**Oñnor Baiccare comoi mozin Eskulot Loizon AHÁM!**

Oñne ki zano...

Zodi ek eskul bosórot tako, oñnor baicca fottídin nisor thaim deri goré...	Oñnor baicca tokriban aáraibo...	Ar tokriban miís goíjje...
5 minith	2.5 eskul din	15 sóbok
10 minith	5 eskul din	29 sóbok
15 minith	7.7 eskul din	44 sóbok
20 minith	10.3 eskul din	58 sóbok
30 minith	15.5 eskul din	88 sóbok

Meérbanigori niccit goró oñnor baicca mozbut eskul haziri héfazot goríbolla thaim mozin foñse
ar taalimi lehaze soíyi rastat take!

Yíad rakó: Gairhaziri = Aáraíya Mouka ókkol

DPS SEKENDHARI (6-12):**Oñnor Baiccare comoi mozin Eskulot Loizon AHÁM!**

Oñne ki zano...

Zodi ek eskul bosórot tako, oñnor baicca fottídin nisor thaim deri goré...	Oñnor baicca tokriban aáraibo...	Ar tokriban miís goíjje...
5 minith	2.3 eskul din	15 kelas
10 minith	4.7 eskul din	29 kelas
15 minith	7 eskul din	44 kelas
20 minith	9.5 eskul din	58 kelas
30 minith	14 eskul din	88 kelas

Meérbanigori niccit goró oñnor baicca mozbut eskul haziri héfazot goríbolla thaim mozin foñse
ar taalimi lehaze soíyi rastat take!

Yíad rakó: Gairhaziri = Aáraíya Mouka ókkol

Lamba Gairhaziri

Lamba Gairhazirir taarif oílde:

- Doc din aró beci gairhaziri;
- Eskulot firizaíbar tarik zana ase;
- Zehon eskule zane hon comoi forinnafua zaíbo, ar
- Forinnafua hazer nootaíle taalimi sarvís noofaíbo

Mesal hísafe íinot taítfare decor baáre lamba sofór, yá eskulot firizaíbor mumkin tarik loí sarjerir bade hospithalot taka. Lamba gairhazirir comoi, DPS karwaí mozin Montclair e córacori taalimor bodolat onlaín yá mékap ham noodibo.

E comoit, forinnafua íibare Montclair ottú baírgoridibo, ar wapes aíle abbar joldi dahela goríbo.

Mékap Ham

Zodi maabaf/garjén zandede íitarar forinnafua gairhazer oíbo, toíle meérbanigori Montclair ore zeddur joldi faro zanaíba. Zehon combob, kelasrumor macthor ókkole fañs (5) din foíjjontolla mékap ham toíyar goríbo. Doc (10) din yá aró beci din gairhazer oíbode forinnafua ókkololla mékap ham noodibo. Forinnafua ókkolottú eskulot wapes aíbade mékap ham adde gairhazirir comoir baíkka ham furagoríbolla adde zomadibolla fañs (5) din taíbo taake fura kredith loífare.

Zodiyo añára fottí forinnafuare íítara gairhazirittú taalimi hísafe furagoridiyar kúcić goíjjum, haziri forinnafuar fonnat córacori asór feele. Mékap ham córacori cíkar tojrubar zagat oínoofare.

Hazirir Modot goríbolla Montclair ór Torika

Montclair ót, añára mozbut forinnafuar hazirir modot goríbolla ekkan kamel torika amolot loí. Nisor ginot añárar hazirir sisthemor soo (6) hissá boyan goragiye:

1. Dhéli Haziri Goron
 - a. Fottí macthor ókkol fottí kelasor cúrur 10 minithor bútoze haziri loo
 - b. Añára garjén ókkolore 9:00 am ór bútoze hóbor di zehon forinnafua ókkol gair hazer take ar gairhaziri taíbar dorhás noode
 - c. Añára forinnafua ókkolor gairhaziri baabote fottí garjén ókkol loí rabeta gori
2. Haziri Thiím
 - a. Eskul Haziri Salar Thiím oílde eskulor hamgoroyar uggwá mozbut gruf zara daimi adde hámica fura eskulot hazirir
 - i. sisthem banaibolla boçoik goré,
 - ii. é sisthemor mozbut amolot lowa adde iínor biccac niccit goré,
 - iii. hazirir dhatha loí tahákik gore, ar
 - iv. tamam eskul esthfore dorjabondi gori dhatha amolot loíbolla modot gore
 - b. Montclair ót 2025-26 eskul bosór comoít Hazirir Thiím Neta oílde Clint Duvo, Prinsipal, clint_duvo@dpsk12.net.
3. Héfazoti & Estekbalgorefan Eskul Maahul
 - a. Montclair ót, añára biccac gori fottí forinnafua ókkolottú maháfuz adde estekbal oode ehésas takonsa. Cíkibar pozitiv bunyadore modot goríbolla, añára zinore torjidi:
 - i. Bodol oode Haálot estemal gori Cómazi-Ehésasi Cíkar Mouka ókkol
 - ii. Fottí kelasor cúruttú salam diyar ruthin
 - iii. Forinnafua ókkololla zorurot mozin enferadi modot, zin oíbo añárar eskul kounselor, cómazi hamgoroya, nofsiyati dhakthor adde dhiín ókkolor zoriya.
4. Harzonolla (Dorza 1) Has hormo
 - a. Harzonolla, yá Dorza 1 Ham ókkolot Montclair ót har forinnafua ókkololla has hormo. 2025-26 eskul bosóror comoi, añára zin goíjjum
 - i. Fottí forinnafua ye fottí macot hoodin eskul miís goíjje, ar fottí forinnafuare lagatar gairhazer hísafe étebar gorazaíbone iín baabote har garjén ókkol loí zukazuk goribo
 - ii. Tamam fémli ókkol loí hazirir ahámíyot baabote daimi zukazug goribo

- iii. Mozbut haziri asede forinnafua ókkol loí, ar fottí Tinsemistharot bec haziri óla forinnafua ókkol loí húci manaíbo.
- iv. Hazirilla rokbót ar kelas, gredh levél adde enferadi forinnafua ókkololla taarifi sónot dibo.

5. Thargethgoíjja (Dorza 2) Hamg ókkol

- a. Thargethgoíjja, yá Dorza 2 ór Ham ókkol oíbo zehon uggwá forinnafua Montclair ót dahelar iítarar comoir 8-9% honó harone miís goíjje, zeçé ase mafgoíjja adde maf nogoíjja gairhaziri ar moukufi.
- b. Thargethgoíjja Ham ókkole Montclair adde forinnafua ar iítarar fémlir maze ekkán pozitív comfórko baráito díyande. Ínot ase forinnafua ókkolore eskulor hamot córik oíto modot gora, forinnafualla uggwá sañti yá balek mocuwar doya dibo, yá moksut ókkol baabote forinnafuare uggwá esthaf membór loí rabeta goridibo.

6. Becí ahám (Dorza 3) Ham ókkol

- a. Becí ahám yá Dorza 3 ór Ham ókkol oíbo zehon uggwá forinnafua Montclair ót dahelar iítarar comoir 10% yá aró beci honó harone miís goíjje, zeçé ase mafgoíjja adde maf nogoíjja gairhaziri ar moukufi.
- b. Becí ahám Ham ókkol forinnafua, iítarar fémlí adde eskul esthaf loí mithing ór zoriya cúru oíbo taakeforinnafuar gairhazirir haron buzazaí. Mithing ór moksut oílde hazirilla rukawoth hoolgoítto modot gora, ar forinnafuar haziri torki goríbolla milizuli hamgori ekkán plan toiyar gora.

Añára oñnor forinnafuar mozbut hazirir zoriya cómazibafe, ehésasibafe, ar taalimibafe torki goredde yían niccít goríbolla oñnolloi córikdari gorító entezarot asi!

Zodi oñnottú Montclair ór hazirir folosi baabote honó súal take, toíle meérbanigori eskul loí zukazug goró.

